

نور ك يوردى

ناشرى : نور ك يوردى .

مدبرى : محمد امين .

۲۹ تشرين تانى ۱۳۲۸

۲ يىل

صافى ۴

هر دامله یاشگچون دوکه مزسم بر آووج قان ،
 هر ذرمی طوتمازسم اگر کوکسنه قالقان ،
 لغت دیه آنسین بنی الله ایله وجدان ،
 آنسین بنی ، لغت دیه آنسین بشر ، آنه !

یولدا صاجگی ، آنه جگم ، جانم اوزولدی ؛
 سوردک بوزکی یرلره ، وجدانم اوزولدی !
 آرتق بوذلیل سجده دن ایمانم اوزولدی :
 قالدیر باشگی ، آلتنگه لایق می یر ، آنهم !

یولدا صاجگی ، باغریکی طوبراقلره سوردک ؛
 الله ایچون اولسون ، یت آرتق ، یت ، آنهم !
 باق طاشلره ، طوبراقلره : ایصلاندی ، بویاندی ؛
 سورمز بوفلاکت گونی ، آلبت بیتر ، آنهم !

— ۲۱ تشرین ثانی ۱۳۲۸ ، قاضی کوبی —

ف . سامر

تعلیم رزیه

« کیمک که طاغده باغی وار ، یوره کنده داغی وار . »

(باشی ۱۹ و ۲۱ نجی صاییلرده)

راغ ۱۵

استانبول سلطانی مکتبده جزا ؛ همده نه قدار آغیر ؟ ایشتمشز .. بر
 توقیف اولور . یاریم اذنسز اولور ، صوکره بوتون اذنسز لکه صیره کلیر . صوکره ده
 بر معلم جزا ویریر . ایکی معلم بردن جزا ویریر سه بیلمم که ایی برشی اولورمی ؟

یوقسه معلملر جزای انشقامی ظن ایدیورار؟ یوقسه بونلر بربرندن وکندیلرندن
خبر سزمی ؟

دوشونورم .. طالارم .. طوغروسی ، ذهنم بردورلو یاغماز . هفته بیتر ،
پنجشنبه کلیر . صباحدن مکتبه کیدرم . مدیر بک کلمدی ، دیرلر . کیمسه یوقی ؟
داخلیه مدیری وار .. یکی ، دیوب یانسه کیرم .

داخلیه مدیری بنی ترا کتله قبول ایدر . آیاقده یاواش یاواش آ کلاتیرم ..
افندیم ، دیرم ، ایسه برده اوغلم وار .. اذلیمز اولمش .. بن ایسه ، کندیسق
هم چالیشقان بیلیرم ، هم اوسلی . بوندن باشقه چوجوق لیلیک حیاته هنوز
آلشاجق . صحتی جهتندده اندیشه هم وار . بو ملاحظه لره مبنی جزاسنک
عفوخی تمخی یه کلدیم .

داخلیه مدیری افندی بنی بکک سوزلرله قارشیلار .. صیقمق ، عارم
بوغمق یوانی طوتار .. مکتبه کی چوجوق حربده کی عسکر کیدر .. یارالانیر ،
دوشر ، باقیلماز . هم ده سز ، چوجوق ولیلری جزادن متشکر قالمایسکز ؟
چونکه بو ، سزک وسزک اولادیکنزک منفعتکیز ایچوندیر

بوکا نه سویله یه بیلیرم ؟ بلسکده جیق ، دیر .. بلسکده چوجوغکی جیقار
کوتور ، دیر . جیکک ایتیم ، برتمنا ایله یوتقونارق جیقار کیدرم .

داغ ۱۶

بز ، چوجوق ولیلری جزادن متشکر قالمالی ایمشز !
واقعا بو ملاحظه ، بزه بک یاهانچی دکلدیر . چوجوقلره ادب اوکره تمک
وتربیه ویرمک ایچون اونلری زورلامق .. نصیح ایله ، تمکدیر ایله ، کوتک
ایله زورلامق .. بزده کوکی ثابت درین اسکی براسولدر . چوجوغنی ادب
وتربیه قاپیسنه تسلیم ایدرکن « آتی سنک ، کیکی بنم » دیین باهار و باها زوربنی
وخواجه سیلله سنی انک بویوک تمتع والک برکتلی نعمت صایان فاضلار [۱] آرامزده

[۱] « تمتی که من از فضل در جهان دیدم .. »

« همان جفای پدر بود وسیله استاد »

حالا بیله موجوددر . احتمال که بونلرک بر آرز حقلری ده وار . احتمال که داخلیه مدیری افندی بر آرز بوقافاده . احتمال که اونک ده بر آرز حق وار . نه حاجت ، اولرمزده تربیه وتادیب ایچون هنوز اکثریتله قوللانیلان توره ده بودر .

فقط نه یایه یم که بوکا بسم عظم یا تمایور . دیورم که بر شینک انی ویا فنا اولدیغنی زورلق ایله دکل ، قولایلق ایله داها-ای آکلایاییلیرم . آکلادیغم زماندرکه اونی داها ایسته یه رک ، داها بنمسه یه رک وکندیغه مال ایدرک یاپارم ویا یایمام . لطف ایتسینلر ، یالکز (یاپ) و (یایمه) دییه جکلرینه ، زوره کیده جکلرینه ایشه عقلمی ایردیرسینلر . بن ده دیدیکلرینی یاپاجق ویا یایما یاجق ایسه م ، زور خاطری ایچون دکل ، ایملک و فئالق خاطری ایچون یاییم ویا یایما یایم .

صانیورم که بو اینجه ایشی چوجوقلرده بن قادار ساده دوشونور . ایش ، بنم وچوجوقلرک دوشوندیکمز قادار ساده اولماسه بیله ، مسأله ده بزم ساده دوشونجه نک هیچ ده قیمتی یوق دکلدر . بناء علیه چوجوق تربیه سیله اوغراشانلر اونلری بر آرز صایمالی ، آدم اعتبارنده طومالی ، آدم یرینه قوممالی .

بن اساساً قافامی بودوشونجه یه یاتیشدیرمش اولونجه ، اوغلمه جزا ویرلدیکی وقت ، جزاجی یه ناصیل متشکر قالیرم ؟ اونک ایچون تشکر ایده مدم ، بالعکس تشکی ایتک ایسته دم .

راغ ۱۷

آکلارم .. بر شینک اییلسکنی ویا فئالغنی آکلماق وباخصوص آکلتماق قولای دکلدر ، کوچدر . فقط انسان ایچون ، آکلما دینی ، عقلنک قانما دینی ایشی یایمق ویا یایماق داها کوچدر . حتی چوجوقلر ایچون وچوجوقلقلده باقیم سزلق ویا باقیم تأثیریه دائما چوجوق قالان بویوکلر ایچون شونک بونک ، باباسنک ، خواجه سنک ، ایش باشدینک زوریه آکلما دن ایش یایمغه ویا یایماغه مجبور ایدملک حالی پک چوق خطر لیدرده . چونکه انسان مخلوق زورله ایشله تیله مز بر ما کینه در .. قناعت سزلک ایچنده ایشله مکه چوق مجبور ایدیه جک اولورسه ، جات ، دیر قیریلیر ؛ بلکه ده اییلسکه دشمن و فئالغه دوست اولاجق قادار بوزولور . واقعا طیب ، خسته یه علاج ویریرکن ، اونی علاجک فائده سنه قاندرمغه

بورجلی دکلدر . فقط مربی بی تمامی تمامنه طیب و تربیه ایدیهلک چوجوغی
تمامی تمامنه خسته فرض ایتک تمامی تمامنه طوغرو برشی اولاماز . خصوصا
خسته بی تدای ایشنده زورله حب یوتدورمق اصولی کیتدکجه قوتدن
دوشمکده در .

اعتراف ایدرم که بزم بویه اینجه برمسأله بی دیدیکله یه چک قادار درین
اوقومشلم یوق . بویه اولمقله برابر ، بکا کندی طویغوم انسانک آکلایان
برخلوق اولدیغی سویله رطورور . ایشته بوقناعتله چالانیر ، اصرار ایدرم ..
عقلمجه انسانه آکلامالی ، چونکه آکلار .. اشکی دوکملی ، چونکه آکلماز ..
انسان آکلما دینی شینه دشمن اولور ، دوست اولماز .. آکلادینی شینه ساریلیر ،
قول اولور ، طایینیر .

اگر انسان ، آکلاییشده آشکله برابر ایسه ، دیرم که جنتدن آدمه برلکده
چقان طایاق و جزا دنیاده قیامته فادار سلطنت سوردیکدن سوکره ، ینه آدمه
برلکده جنته و یا جهنمه قادار کیتسین !

داغ ۱۸

زمانم زده مکتبلردن طایاق جزاسی قالدی ، دیورلر . فی الحقیقه دکنک
وصوفا کبی ، فالاقا کبی طوغریدن طوغرویه جسمی دوکن طایاقلر قالمش
اولاجق . فقط نه یه یارار ؟ توقیف واذنسز کبی جزالر ینه جسم یرینه روحه
کوتک آتان برطایاق دکل ؟

بوندن باشقه ، چوجوق تحصیلی و تربیه سی ایچون چوق ایقینمغه صیقینمغه
محتاج ایسه .. حیاتی وصحتی ایچون چوق ایقینامغه صیقینامغه ، چوق قوشمغه
آتیلمغه ، چوق کولمکه آچیلمغه داها زیاده محتاجدر . اونی شویله بویه
سبیرله آرقاداشلرندن آیرمق ، حقندن وهفته نک یدی کونسده برکونجکزلک
بایرامندن محروم ایتک عجبانه قادار حقلی برایش اولور ؟

بوندن باشقه ده عالم ایچنده خورلانیلان ، آرقاداش آرمسند عزت نفسی
قیریلان چوجوقده انسانلق ایچون نه خیر ، نه جوهر قالیر ؟ بللور الک آز بر
طوقونوشله چاتلار ، الک بللیسز برچاتلاق ایله پارچالانیر . انسان جوهری

ايسه ، بللور ماده سندن بك چوق زياته نازك و نازيندر . انسانك عزت نفسى
ايجيتمك بللور صراحي ي چاتلامقدر .

انسانى اك نازلى يرندن چاتلاتان جزا هر شديله طوروب طوروركن ،
هيچ طاياق قالقمش اولاييليرمى ؟ خايير خايير ، مكتبلردن طاياق قالقما مشدر .

داغ ۱۹

ايشم آراسنده ، بويله دو كوك صاحيق دوشونورم . اوكون قاچ ساعت
ايدى ؟ آقشامه قادار قاچ ساعت سوردى ؟ بيلمم . ايشدن آيرلديغم وقت ،
صباحكى واقعه يي كچن ييل كچمش برشى كچي خاطر لايوردم .

چيقدم . زويه كيده جكم ؟ اوھ . چوجوق زوده ؟ اوھ بير اقليديمى ؟
يوقسه اذنسزلك جزاسيله مكتبده آليقونيديمى ؟ بوني آكلامادي قجه ناصيل
كيده بيليرم ؟

دوشونورك طوغرو مكتبه يوللانيرم . چوجوغى كوره مم . مكتب چوق
تنھا .. بكارلردن تك توك چوجوق وار . سورارم : مدير بك بوكون هيچ
كلدى ، ديرلر ، هيچ كله مك ؟ بو ناصل اولور ؟ بيم ايشم غايت مهم ؟

ابتدا بويله دوشونورم . فقط درحال خاطرلارم كه مدير دينن آدمده
انسندر . بله كه معذرتى اولدى ده كله مدي . معذرت حالنده اونك يرنده البته
برى اولاجق .. مثلاً داخيه مديرى .. هايدى . اوكا كيت ! خايير افنديم .
اوكا كيتدم .. برداها كيده مم .

بو كچي دوشونجه لرله دوشوب اورسه نورك اوھ طوغرو لوروم . هانكي
بولدن ؟ ناصيل ؟ همان هيچ بيلميورم . يالكز شوني بيلميورم كه آقسرايه
وارديغم صيراده غي طانيمايديم بريسي آرقه مدن آنسزین شدتله قاوارار چكر ..
آبول ، آرابه چارييوردي ، كورميورميسك ؟

طانيمايديم قورتاريحي به كوكسز برتشكر ايدرم . اويالانم . سينكله نمم .
اوھ قادار كيده رم .

داغ ۲۰

اوه کلیر ، قانی اورورم . قانی اوکنده یاریم دقیقه لک بکلهمه بنم ایچون
برییلق عذاب اولور .

ایلک سوال ییلدیریمی شییمشک کی یوزومه چاقار .. چوجوق یوقی ؟
جانم ، الله عشقنه ، طوروکز برنفس آلایم !

یمکدن یاتاق وقتنه قادار والدہ ایله آرامزده کچن ماجرای ، ایسی ، بنده
کجهیم . چونکه بو ، کورولمهش ، آ کلاشیلماش بر شیندر . شوقادار وارکه
زوالمی ایتام ایچون ، تسلیمه ایتام ایچون ، تطیب ایتام ایچون
نه یاپایلیرسیم یاپارم .. نه سویله یه بیلیرسم سویلهرم .. جانم ، قالدیسه بر هفته در
قالدینی یرده ، کندی مکتبندہ قالدی .. بر کیجه افرها اوندہ قالدی ، صایلم ..
جانم شوپله ، جانم بویله . فقط قاندیرمق ، صوسدورمق قابل دکل که .
او وقت جیقیشیرم .. بوقادار نازلی ایسه مکتبه ویرمه ملی ایدیک ! اوغلنی
چوق سوون خواجهیه ویرمز .. قیزینی چوق سوون قوجهیه ویرمز . اوت ،
اوت . مکتبه ویرنده بز دکلز .. سنسک !

بونلر کچر . هرکس استراحتته چکیلیز . ایشته بنم ایچون اصل ، سکسن
بیك ییلق جهنم عذابی اووقت باشلار . کیجه دکل ، ییلدیزسز ، کهکشانسز ،
اوجسز ، بوجاقسز قاب قارا کلک بر فضا .. قارا کلک براستقبال .. قارا کلک ..
برقارا کلک که اونی یاراجق ایجه جک بر ایشیق یوق . قارا کلک ، قارا کلک ،
قارا کلک !

(سوکی وار)

اسیاطری

مفی

تصحیح : ۲۱نجی صاییده .. ۶۴۰نجی صحیفه ده ، ۱۵نجی سطرده کورولن
۳۲۸ تاریخ ۳۲۷ اوله جق .